



सुदूरपश्चिमके चार जिल्ला 'संवेदनशील' निर्वाचनमे पाँच हजार सशस्त्र प्रहरी तैनाथ हुइना



पहुरा समाचारदाता
धनगढी, २१ माघ। सुदूरपश्चिम प्रदेशके बाजुरा, अछाम, दार्चुला ओ बझाङ जिल्ला निर्वाचन सुरक्षाके दृष्टिमे संवेदनशील डेखलपाछे प्रहरी उहे बमोजिमके सुरक्षा व्यवस्थापन करे लागल बा। प्रदेश प्रहरी कार्यालय धनगढीके प्रवक्ता एवं वरिष्ठ प्रहरी उपरीक्षक पदमबहादुर विष्ट गत विगतके बरसमे हुइल निर्वाचनके समयमे हुइल घटनाहे अध्ययन विश्लेषण कैके इ चार जिल्लाहे संवेदनशीलके सूचीमे राखके उहे बमोजिमके सुरक्षा व्यवस्थापन मिलाइ लागल जानकारी डेलै।

उहाँ कहलै, विगतके निर्वाचनके बेला हुइल अवाञ्छित घटनाहे अध्ययन कैके इ चार जिल्लाहे संवेदनशील जिल्ला डेखलै विश्लेषण कैके उहे बमोजिमके सुरक्षा व्यवस्थापन करे लागल हुइटी, निर्वाचन बिथोले सेक्ना तत्वहे निगरानीमे राखके सुरक्षाके आवश्यक तयारी फेन करटी रहल बटी। हिमाली भेग ओ भौगोलिक रूपमे विकट क्षेत्रके

मतदानस्थलसे मतपेटिका सदरमुकामसम दुवानी करक लाग हेलिकप्टरके व्यवस्थापन करे लागल बा। निर्वाचनके दिन हिमाली क्षेत्रमे हुइ सेक्ना हिमपातके जोखिमहे मध्यनजर कैके सम्बन्धित क्षेत्रके मतदाता मतदान करे पैना व्यवस्थाके विकल्प सोच्ना बारेमे फेन तयारी हुइटी रहल बा।

दार्चुलाके उत्तरी क्षेत्र टिकर ओ छाडरुके बासिन्दा हिउँदेयाममे गाउँ छोरके सदरमुकाम लागेक टिकरखेडा कना ठाउँमे बैठना हुइल ओरसे ओइनके लाग सदरमुकाममे मतदान करे पैना व्यवस्था करे लागल बा। बाजुराके हिमाली भेगके तीन पालिकाके कतिपय परिवार हिउँदेयाममे घरमे पालल चौपायासहित टमान जिल्लामे बसाईसराइ कैना करल ओरसे उहाँहुके निर्वाचनके दिनसम गाउँमे अइना वा नैअइना कनामे यकिन हुइ सेकल नैहो।

प्रहरी प्रवक्ता विष्ट कहलै, जुरारमे कुछ महिनाके लाग अन्य जिल्लामे पुगके बैठइया समान्यतया चैतमे किल गाउँ

अइना करल डेखजाइठ, अइसीन अवस्थामे मतदानके दिनसम गाउँ नैअइलेसे ओइनके लाग मतदान करे पैना व्यवस्था कैसिक कैना कनामे छलफल चल्टी रहल बा।

निर्वाचनके सुरक्षा व्यवस्थापनहे चुस्त एवं सुदृढ पारक लाग सवारीसाधन नैरहल प्रहरी कार्यालयमे सवारीसाधनसहितके व्यवस्था करे लागल बा। निर्वाचन सुरक्षाके लाग अन्य सुरक्षा व्यवस्थापनके अतिरिक्त बाजुरा, अछाम ओ डोटीहे हेना मेरके वरिष्ठ प्रहरी उपरीक्षकके नेतृत्वमे छुट्टे प्रहरी टोली परिचालन कैना तयारी बा।

ओस्टके वरिष्ठ प्रहरी उपरीक्षकके नेतृत्वमे दार्चुला, बैतडी ओ कञ्चनपुरके लाग छुट्टे तथा बझाङ, कैलाली ओ डडेलधुराके लाग छुट्टे टोली फेन परिचालन कैना तयारी करल बा। निर्वाचनहे स्वच्छ, निष्पक्ष ओ शान्तिपूर्ण वातावरणमे सम्पन्न कराइक लाग निर्वाचन सुरक्षा योजनाअन्तर्गत प्रदेशभर सात हजार ३७४ नेपाल प्रहरी ओ १३

हजार ६६९ निर्वाचन प्रहरी परिचालन करे लागल बा। इ बाहेक सशस्त्र प्रहरी बल ओ नेपाली सेना फेन आ-आपन सुरक्षा योजनाअनुसार निर्वाचनके सुरक्षामे परिचालित हुइ लागल बटै।

निर्वाचनके सुरक्षाहे दृष्टिगत कैके प्रदेशके ३०२ मतदानस्थलहे सामान्य, ३९५ हे संवेदनशील ओ ४८१ मतदानस्थलहे अतिसंवेदनशील निर्वाचनस्थल टोकके सुरक्षा व्यवस्थापन मिलाइ लागल बा। प्रदेशके सकु कनौ जिल्लामे प्रतिनिधिसभाके १६ निर्वाचन क्षेत्र रहल बावै। विसं २०७८ के जनगणनाअनुसार प्रदेशके कुल जनसंख्या २६ लाख ९४ हजार ७८३ रहल बा। कुल मतदाता १७ लाख १६ हजार ६६० रहल बटै। थपल मतदातासहित कैलालीमे सबसे ढेर पाँच लाख ५१ हजार ५२, कञ्चनपुरमे तीन लाख १४ हजार ३८५ ओ अछाममे एक लाख ६५ हजार ३३७ मतदाता पुगल बटै।

प्रतिनिधिसभाके कैलालीमे पाँच, कञ्चनपुरमे तीन ओ अछाममे दुई निर्वाचन क्षेत्र रहल बावै। एक निर्वाचन क्षेत्र रहल डडेलधुरामे ९३ हजार ४०३, बैतडीमे एक लाख ५६ हजार ३७२, दार्चुलामे ९२ हजार ९४८, डोटीमे एक लाख २८ हजार ३९९, बझाङमे एक लाख २६ हजार ९०३ ओ बाजुरामे ८७ हजार ८६१ मतदाता पुगल प्रदेश निर्वाचन कार्यालय कैलालीके प्रमुख प्रेमराज भट्ट जानकारी डेलै।

तीन बरस आघे हुइल प्रतिनिधिसभा सदस्य निर्वाचनमे नेपाली कांग्रेस आठ, तत्कालीन नागरिक उन्मुक्ति पार्टी तीन, नेकपा एमाले दुई, तत्कालीन नेकपा (एकीकृत समाजवादी) तीन निर्वाचन क्षेत्रमे विजयी हुइल रहे। जेनजी आन्दोलनपाछक लावा राजनैतिक परिवेशमे प्रतिनिधिसभा सदस्यके निर्वाचन विसं २०८२ फागुन २१ गते हुइ लागल हो।



पहुरा समाचारदाता
धनगढी, २१ माघ। आगामी फागुन २१ गते हुइना प्रतिनिधि सभा निर्वाचनहे लक्षित कैटी सुदूरपश्चिम प्रदेशके १६ निर्वाचन क्षेत्रमे सशस्त्र प्रहरी बल नेपालसे सुरक्षा योजना तयार कैके कार्यान्वयनमे लन्ले बा।

सशस्त्र प्रहरी बल नेपाल नम्बर वैद्यनाथ बाहिनी मुख्यालय अत्तरिया कैलालीके अनुसार माघ २१ गतेसे प्रत्येक निर्वाचन क्षेत्रमे निर्वाचन क्षेत्र सुरक्षा बेस स्थापना करजैना बा। उ सुरक्षा बेसमे सशस्त्र प्रहरी नायब उपरीक्षक (डिएसपी) के कमान्डमे सुरक्षा फौज तैनाथ करजैना व्यवस्था मिलाइल बा।

निमित्त बाहिनीपति सशस्त्र प्रहरी वरिष्ठ उपरीक्षक दिग्विजय सुवेदी सञ्चारकर्मीसंगके अन्तर्क्रियामे निर्वाचनहे शान्तिपूर्ण, निष्पक्ष ओ भयरहित बनाइक लाग व्यापक सुरक्षा तयारी करल जानकारी डेलै। उहाँके अनुसार फागुन ६ गतेसे छुट्टाछुट्टे मोबाइल टोली परिचालन करजैना बा। ओस्टके डिएसपीके कमान्डमे बाहिनीस्तरीय रिजर्भ टोलीसमेत तयारी अवस्थामे रहना उहाँ जानकारी डेलै।

निर्वाचनविरोधी गतिविधि रोकना अनुगमन टोली परिचालन करजैना ओ

सूचनाके प्राप्ति तथा विश्लेषणहे निरन्तरता डेना सुवेदी बटैलै। निर्वाचन सुरक्षामे करिब पाँच हजार एक सय सशस्त्र प्रहरी परिचालन करजैना उहाँके कहाइ रहल बा।

सुरक्षा व्यवस्थापनहे थप प्रभावकारी बनाइक लाग नेपाली सेना, नेपाल प्रहरी, जिल्ला प्रशासन कार्यालय तथा निर्वाचन आयोगसँग निरन्तर समन्वय ओ सहकार्य हुइटी रहल उहाँके कहाइ रहल बा। सवारीसाधनके अभाव हुइल स्थानमे आवश्यक सवारीसाधन भाडामे लेना व्यवस्था करल बा।

पहाडी क्षेत्रमे सञ्चार तथा सूचना प्रणालीहे प्रभावकारी बनाइक लाग रिपिटर टावर निर्माण करल, सशस्त्र प्रहरीहे निर्वाचन सुरक्षासम्बन्धी तालिम प्रदान करल तथा सामाजिक सञ्जालमाफत फैले सेक्ना गलत सूचना नियन्त्रणके लाग सूक्ष्म निगरानी राखल जानकारी डेहल बा। सम्भावित विपत् जोखिमहे ध्यानमे रखटी आवश्यक तयारी पूरा करल ओ समग्र सुरक्षा रणनीति बनाके सशस्त्र प्रहरी बल सक्रिय रूपमे परिचालन हुइटी रहल समेत सशस्त्र प्रहरीके बाहिनीपति सुवेदीके कहाइ रहल बा।

भजनीमे स्वास्थ्य ओ पोषणके अवस्था नाजुक

पहुरा समाचारदाता
धनगढी, २१ माघ। कैलालीके भजनी नगरपालिकामे शिक्षा, स्वास्थ्य ओ पोषणके अवस्था नाजुक डेखल बा। नगरपालिकाके तथ्याक्त हेरेबर ओइसीन डेखल हो।

भजनी नगरपालिकामे ३५ प्रतिशत प्रजनन उमेरके महिलामे रक्तअल्पता रहल बा। जेकर कारण वर्षेनी नौ प्रतिशतसे ढेर बालबालिका कम तौलके जल्मटी रहल बटै। 'इ बरस दुई हजार ४२५ बच्चाके सभै करेबर २१ बालबालिका एकदमे कुपोषित हुइल ओ १८१ बालबालिका कुपोषित अवस्थामे रहल पत्ता लागल बा', जनस्वास्थ्य निरीक्षक कैलाश डगौरा थारु कहलै।

नगरपालिकासे स्वास्थ्य संस्थामे जनशक्ति व्यवस्थापनमे ढेर रकम खर्च करलेसे फेन बालबालिका, किशोरी,

गर्भवतीहे लक्षित कैके बरसमे पाँच लाख रुपियाँ किल बजेट विनियोजन हुइल बा। महिला बालबालिका तथा ज्येष्ठ नागरिक शाखाके प्रमुख ऋजु चुकाहाके अनुसार इ नगरपालिका जिल्लामे सबसे ढेर जन्मजात अपांगता रहल पालिका हो। ५३ हजार जनसंख्या रहल भजनी नगरपालिकामे ९७६ जाने परिचयपत्र प्राप्त अपांगता रहल व्यक्ति रहलमे उ मध्ये करिब ५०० जटरा १८ बरस टरक रहल बटै। '३०० जटरा बालबालिका विद्यालय जैठै बाँकी घरमे रहठै', चुकाहा कहलै, 'विद्यालय आइल बालबालिकाके लाग समावेशी शिक्षा डेहे सेकल नैहुइटी, समुदायमे फेन वैकल्पिक सिकाइ केन्द्र नैहरल ओरसे बालबालिकाके सिकाइ न्यून बा।' यहाँ अपांगतासहित ८ प्रतिशत बालबालिका अभिन फेन विद्यालय बाहर बटै। बालबालिकामे(बाँकी २ पेजमे)

सुदूरपश्चिम प्रदेशको अत्याधुनिक सुविधा सम्पन्न

निसर्ग हस्पिटल
एण्ड रिसर्च सेन्टर प्रा.लि.
Advanced Healthcare for all...

विशेषज्ञ डाक्टर तथा ओ.पि.डी सेवाहरु

जनरल फिजिसियन (पेट, छाती, मुटु) रोग विशेषज्ञ	रेडियोलोजी विशेषज्ञ	न्युरो, मस्तिष्क, नशा तथा मेरुदण्ड रोग विशेषज्ञ	हाडजोर्नी तथा स्पोर्ट्स फिजियोथेरापिस्ट
हाडजोर्नी तथा नशारोग विशेषज्ञ	जनरल तथा ल्याप्रोस्कोपिक सर्जन	स्त्री तथा प्रसूति रोग विशेषज्ञ	नवजात शिशु तथा बालरोग विशेषज्ञ
नाक, कान, गान्डी तथा थाइरोइड रोग विशेषज्ञ	एनेस्थेसिया तथा क्रिटिकल केयर विशेषज्ञ	मुख, अनुहार तथा बड्का विशेषज्ञ	मानसिक तथा नशा रोग विशेषज्ञ
छाला, यौन, कुष्ठरोग तथा सौन्दर्य विशेषज्ञ	मृगौला तथा मुत्ररोग विशेषज्ञ	मुटु रोग विशेषज्ञ	

Hasanpur, Dhangadhi-5, Kailali, Nepal
091-527000/01/02, 9865680100, 9804600745
www.nisargahospitalnepal.com | /nisargahospitalnepal

स्माईल चौधरीसे प्रकाशित

सठपाढक : प्रेम चौधरी (९८४८४२२२०७)

कार्यकारी सठपाढक : राम दहिति (९८४८४९४५१८)

आषा सल्लाहकार : दिलबहादुर चौधरी

पहुणा सठपाढक : कृष्णराज सर्वहारी

व्यवस्थापन सल्लाहकार : राजकुमार चौधरी

प्रधान कार्यालय: धन.पा.- ८, शिवनगर, कैलाली (नमस्ते सहकारी भवन)

मसुरिया शाखा: दिनेश दहित (९८१२६४१६०१)

पहलमानपुर शाखा: जीवन चौधरी (९८४७५०१८८७/९८२५६२९३०५)

प्रधान कार्यालय धनगढी

E-mail: dailypahura@gmail.com,

Website: pahura.com

मुद्रक : समैजी अफसेट प्रेस, बेहडी, धनगढी

संधियारको नाममा जारी ७ दिने सूचना

यस उपमहानगरपालिकाको वडा नम्बर ८ स्थित कित्ता नं. ११७३ क्षेत्रफल १६९३.१५ वर्गमिटरमा भवन निर्माण गर्ने घरधनी श्री बिना कु. आचार्य, चन्द्र कु. सिंह, उमादेवी जोशी, पवन जैशी खनालले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले ७ दिनभित्र सबुत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पूर्व: लाल सिंह राना पश्चिम: सडक

उत्तर: समिरा रोकया, डबल बोहरा, निप बोहरा दक्षिण: नरेन्द्र ब. सिंह, दुदा उपाध्याय, मानविर खाली

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

संधियारको नाममा जारी ७ दिने सूचना

यस उपमहानगरपालिकाको वडा नम्बर ३ स्थित कित्ता नं. ३४८ क्षेत्रफल २५४ वर्गमिटरमा भवन निर्माण गर्ने घरधनी श्री निरन भाटले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले ७ दिनभित्र सबुत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पूर्व: कविता कुमारी खड्का पश्चिम: ललिता शाह

उत्तर: सडक दक्षिण: जय ब. साउद, रेखा भट्ट

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

संधियारको नाममा जारी १५ दिने सूचना

यस उपमहानगरपालिकाको वडा नम्बर १ स्थित कित्ता नं. १०७४ क्षेत्रफल २०४ वर्गमिटरमा भवन निर्माण गर्ने घरधनी श्री सुरेश बहादुर मन्नीले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबुत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पूर्व: कर्ण ब. कार्की र वृज किशोर अवस्थी पश्चिम: सडक

उत्तर: भिष्म भाट दक्षिण: कलसी देवी मौनी क्षेत्री

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

संधियारको नाममा जारी १५ दिने सूचना

यस उपमहानगरपालिकाको वडा नम्बर ६ मल्लो मतिथारी स्थित कित्ता नं. ७२८ क्षेत्रफल १६९.३२ वर्गमिटरमा भवन निर्माण गर्ने घरधनी श्री दुर्गा धानुकले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबुत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पूर्व: भवानी प्रसाद जोशी पश्चिम: केशु धानुक

उत्तर: सडक दक्षिण: सडक

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

निर्वाचन घोषणापत्रके मर्म

फागुन २१ गते प्रतिनिधि सभा सदस्य निर्वाचनके लाग मतदान हुइटी रहल बा । निर्वाचन आयोगमे हाल दर्ता कायम रहल राजनीतिक दल १३६ रहल बावै, जौन मध्ये १०७ निर्वाचन चिह्नमे ११४ दलसे निर्वाचन प्रयोजनके लाग दल दर्ता कराइल डेखजाइठ् । समानुपातिक निर्वाचन प्रणाली ओरके निर्वाचनमे भाग लेना कहिके ९३ निर्वाचन चिह्नमे सय दलसे निवेदन पेस करल रहिठ् । समानुपातिक निर्वाचन प्रणाली ओर ५७ बन्दसूची ६३ दलसे पेस करल बावै कलेसे पहिल हुइना निर्वाचित हुइना निर्वाचन प्रणाली ओर ६५ दलके ओरसे ३४०६ जाने उम्मेदवारके मनोनयन दर्ता होसेकल बा । समानुपातिक निर्वाचन प्रणाली ओर दलके ओरसे ५७ ठो बन्दसूचीमे ३२१३ जाने उम्मेदवारके मनोनयन पेस होसेकल बा । मतदानके दिनसे १७ दिनआघेसे अर्थात् फागुन ४ गतेसे दलसे चुनावी सभा एवं प्रचारप्रसारलगायत कार्यक्रम करे पैना व्यवस्था निर्वाचन आचारसंहिता २०८२ से करले बा । उम्मेदवारके अन्तिम नामावली प्रकाशित हुइलपाछे फागुन ४ गतेसमके अवधि कहलके दल तथा उम्मेदवारसे आपन चुनावी घोषणापत्र अर्थात् निर्वाचन घोषणापत्र तयार कैना ओ उक्त घोषणापत्र सार्वजनिक कैके दलसे निर्वाचन आयोगमे ओ उम्मेदवारसे सम्बन्धित निर्वाचन कार्यालयमे पेस कैना समय हो । घोषणापत्रके आधारमे किल निर्वाचन प्रचारप्रसार कैना मेरके समय निर्धारण करल बा ।

निर्वाचन घोषणापत्र कहलक कौनो दल वा उम्मेदवारसे निर्वाचनआघे जनतासामु रखना लिखित प्रतिबद्धता हो । दल वा उम्मेदवार हमहीनहे भोट डेहो, हमे जितब कलेसे इ काम करब कहिके जनताहे डेना वाचापत्रहे नै निर्वाचन घोषणापत्र कहिजाइठ् । सामान्यतया चुनाव जितलपाछे का कैसिन नीति ओ कार्यक्रम लागु कैना ? सद्ग, प्रदेश ओ स्थानीय तहके समस्या कैसिक समाधान कैना ? देशके अर्थतन्त्र, शिक्षा, स्वास्थ्य, रोजगारी, पूर्वाधार जैसिन क्षेत्रमे का काम कैना ? कना जैसिन दलके विचारधारा ओ प्राथमिकता निर्वाचन घोषणापत्रमे समावेश कैना करजाइठ् । चुनावमे निर्वाचन घोषणापत्र अति नै आवश्यक रहठ् । घोषणापत्रसे दल वा उम्मेदवार का चाहठै, कौन विषयहे प्राथमिकता डेटै कना स्पष्ट पारठ् । घोषणापत्रसे मतदाताहे सोचके भोट डेना एवं सही निर्णय कैना सहयोग करठ् । मतदाताहे निर्वाचन घोषणापत्रसे दल वा उम्मेदवारके नीति, योजना ओ दृष्टिकोणके तुलना कैना सजिल बनाइठ् । घोषणापत्रसे नेताहे जिम्मेवार ओ उत्तरदायी बनावे लोकतन्त्र बलगर बनैना मद्दत करठ् । जनताके मत केवल भावनामे नैहो, दल वा उम्मेदवारके स्पष्ट योजना

ओ प्रतिबद्धतामे आधारित रहठ् । चुनावी घोषणापत्रसे लोकतान्त्रिक प्रणाली मजबुत बनैनाके साथे शासनके दिशानिर्देश कैना समेत सहयोग पुगठ् । दल वा उम्मेदवारसे चुनाव जितलपाछे निर्वाचन घोषणापत्र सरकारके कार्यदिशा बने सेकठ् । दलसे जनतासम पुग्ना मुख्य माध्यम फेन इहे हो ।

निर्वाचन घोषणापत्रके सम्बन्धमे अन्तर्राष्ट्रिय अभ्यास हेनां हो कलेसे देश अनुसार फरक फरक रहल पाजाइठ् । तथापि कुछ सामान्य ओ स्थापित अभ्यास विश्वभर प्रचलित रहल डेखजाइठ् । प्रायः सक्कु लोकतान्त्रिक देशमे दलसे चुनावआघे लिखित घोषणापत्र सार्वजनिक करठै ओ वेबसाइट, मिडिया एवं सामाजिक सञ्जालमार्फत प्रचारप्रसार करल पाजाइठ् । दल वा उम्मेदवारके निर्वाचन घोषणापत्रहे बेलायतमे (पार्टी मेनिफेस्टो), भारतमे (इलेक्सन मेनिफेस्टो) ओ अमेरिकामे (पार्टी प्लेटफम) कना करल पाजाइठ् । अन्तर्राष्ट्रिय अभ्यासमे व्यक्तिके फेन नीति ओ कार्यक्रममे जोड डेजाइठ् । निर्वाचन घोषणापत्रमे दल वा उम्मेदवारसे अर्थतन्त्र, शिक्षा, स्वास्थ्य, जलवायु परिवर्तन जैसिन विषयहे अनिवार्य रूपमे समेटना करल पाजाइठ् ।

ढेर देशमे दल वा उम्मेदवारसे घोषणापत्र सार्वजनिक करल पश्चात् मिडिया, नागरिक समाज ओ विज्ञसे बहस ओ विश्लेषण कराजाइठ्, जिहीसे मतदाताहे सचेत बनाइठ् । उन्नत लोकतन्त्र रहल देशमे चुनाव जितलपाछे सरकारसे घोषणापत्रके वाचा अनुसार नीति तथा कार्यक्रम बनैना करठै कलेसे संसद् ओ जनतासे ओकर आधारमे उहाँहुकनके मूल्याक्तन कैना प्रचलन रहल बा । बेलायतमे दल वा उम्मेदवारके घोषणापत्रहे (मोरल कन्ट्र्याक्ट विथ भोटर्स (मतदातासँगके नैतिक सम्झौता) मानजाइठ् । अन्तर्राष्ट्रिय रूपमे टमान देशमे निर्वाचन घोषणापत्रहे लोकतन्त्रके अनिवार्य अंग, जनप्रतिनिधि ओ जनताबिचके सम्झौता वा सरकारके कार्यदिशाके रूपमे लेना प्रचलन रहल बा ।

नेपालमे निर्वाचन घोषणापत्रके अभ्यास औपचारिक रूपमे २०१५ सालसे सुरु हुइल मानजाइठ् । निर्वाचनके इतिहास हेरेबर २०१५ सालमे हुइल निर्वाचन संसदीय निर्वाचन हो । नेपालमे हुइल पहिल आमनिर्वाचनमे नेपाली कांग्रेस, गोर्खा परिषद् जैसिन दलसे लिखित घोषणापत्र सार्वजनिक करल ओ उक्त समयसे घोषणापत्रके औपचारिक अभ्यास सुरु हुइल पाजाइठ् । पञ्चायती व्यवस्थामे दल निषेधित हुइल ओरसे दलगत निर्वाचन घोषणापत्रके अभ्यास हुइ नैपाजाइठ् । उम्मेदवारसे आपन व्यक्तिगत नारा ओ कार्यक्रममे सीमित रहीके निर्वाचनमे भाग लैठै । विसं २०४६ सालपाछे बहुदलीय लोकतान्त्रिक व्यवस्थाके पुनर्स्थापना हुइल । विसं २०४८ के संसदीय निर्वाचनसे

हुइल जानकारी बटैठै । 'गैल बरस कक्षा ५ के परीक्षामे ६४ प्रतिशत, कक्षा आठमे ५६ प्रतिशत ओ कक्षा १० मे पुगेबर १४ प्रतिशत विद्यार्थी किल उत्तीर्ण हुइल बटै' शिक्षा अधिकृत पंखबहादुर शाह कहलै, 'नगरपालिकामे ११ माविमे जम्मा सात

निर्वाचन घोषणापत्र नियमित, व्यवस्थित ओ संस्थागत हुइल हो । ओकरपाछे हुइल प्रत्येक निर्वाचनमे दलसे आपन विस्तृत निर्वाचन घोषणापत्र सार्वजनिक कैटी आइल बावै । राजनीतिक दलसम्बन्धी ऐन, २०७३ के दफा २० के उपदफा (२) के खण्ड (घ) मे दलसे आपन निर्वाचन घोषणापत्रमे उल्लेख हुइल काम कैना कहिके दलके काम, कर्तव्य ओ अधिकार उल्लेख बा ।

निर्वाचन आयोगसे निर्वाचनमे स्वतन्त्रता, स्वच्छता, निष्पक्षता, पारदर्शिता, मितव्ययिता तथा भयमुक्त वातावरण कायम रखना उद्देश्यसे निर्वाचन आचारसंहिता, २०८२ जारी करले बा । उक्त आचारसंहितामे राजनीतिक दल, उम्मेदवार तथा दलके भ्रातृ सङ्गठनसे जुलुस, आमसभा, कोण सभा, बैठक, भेला वा निर्वाचन प्रचारप्रसारसम्बन्धी कार्य करेबर पालना करे पर्ना आचरणके व्यवस्था करल बा, जेम्ने उम्मेदवारके अन्तिम नामावली प्रकाशन हुइलपाछे मतदान हुइना दिनसे सत्र दिनआघेसे किल दल तथा उम्मेदवारसे निर्वाचन प्रचार प्रसारसम्बन्धी काम करे सेक्ना प्रावधान रहल बा । दल तथा उम्मेदवारसे जुलुस, आमसभा वा कोण सभा कैना, सञ्चार माध्यममे कौनो मेरके प्रचार प्रसार सामग्री प्रकाशन वा प्रसारण कैना ओ निर्वाचन प्रचारप्रसारके लाग घरदैलो कार्यक्रम कैना फागुन ४ गतेसे किल पैना व्यवस्था करल बा ।

निर्वाचन आयोगसे पहिलचो निर्वाचन घोषणापत्रहे अनिवार्य कैके निर्वाचन आचारसंहिताके दायरामे लल्ने बा । राजनीतिक दल वा उम्मेदवारसे निर्वाचन घोषणापत्र सार्वजनिक कैके ओकर आधारमे किल प्रचारप्रसार करे पर्ना व्यवस्था करल बा । निर्वाचन घोषणापत्र दलसे आयोगमे ओ उम्मेदवारसे सम्बन्धित निर्वाचन कार्यालयमे पेस करे पर्ना बा । दल वा निर्वाचित उम्मेदवारसे निर्वाचन घोषणापत्रमे उल्लेख हुइल बमोजिमके कार्यप्रगतिके प्रतिवेदन प्रत्येक बरस सर्वसाधारणके जानकारीके लाग सार्वजनिक करे पर्ना व्यवस्था करल बा ।

आबके निर्वाचन कहलक नैतिक प्रतिस्पर्धामे आधारित अर्थात् निर्वाचन घोषणापत्रमे आधारित निर्वाचन हुइना आवश्यक बा । आबके बहस कहलक एक उम्मेदवारसे ओर उम्मेदवारहे गालीगलौच कैना, द्वेषपूर्ण वा घृणास्पद अभिव्यक्ति डेना नैहोके आपन नीति कार्यक्रम मतदातासामु पेस कैके वा प्रतिबद्धता जाहेर कैके मतदाताप्रति उत्तरदायी ओ जिम्मेवार बन्ना फेन हो । निर्वाचनमे उम्मेदवार, दल ओ मतदाताहे नैतिक मूल्य ओ लोकतान्त्रिक आचरणके आधारमे प्रतिस्पर्धा कैना वातावरण सिर्जना करे पारठ् । भ्रामक वा असत्य

जाने शिक्षकके किल दरबन्दी रहल बा ।' शिक्षक पदम शाही पालिकाके तल्लो तहमे शिक्षकके कमी नैरहल, विषयगत शिक्षक दरबन्दी मिलान ओ नक्साडकन कैके अभिभावक शिक्षा लागू कैके शिक्षा सुधार करे सेकजैना सुभाव

विचार

यज्ञ प्रसाद भट्टराई

प्रचारप्रसार, पैसाके दुरुपयोग, धम्की, हिंसा वा जातीय वा धार्मिक विभाजनके प्रयोग ओ मतदाताहे लोभलालच डेखाके प्रभावित कैना कार्यहे शून्य सहनशीलताके नीति अवलम्बन करे पारठ् । मतदाताके स्वतन्त्र निर्णयके सम्मान कैटी विचार ओ कार्यक्रम तथा योजनाके आधारमे निर्वाचनमे प्रतिस्पर्धा करे पारठ् । दल वा उम्मेदवारसे आपन योग्यता, दृष्टि ओ योजना स्पष्ट रखना ओ विरोधी विचारहे शत्रु नैहोके, विकल्पके रूपमे लेना विषयहे अपनैना आवश्यक बा । जनतासँग करल वाचा पूरा कैना प्रतिबद्ध रहना, पैसाके प्रभाव घटैना ओ दल तथा उम्मेदवारके बिच समान अवसर सुनिश्चित कैना विषय महत्वपूर्ण रहठ् । व्यक्तिगत वा दलगत स्वार्थसे देश ओ जनताके हितमे बहस केन्द्रित करे पर्ना जैसिन विषयहे नैतिक प्रतिस्पर्धासे इहीसे समेटना हुइल ओरसे अइसीन विषयहे आत्मसात् कैना आवश्यक बा ।

विगतके निर्वाचन हेरेबर घोषणापत्र केवल डेखाइक लाग किल हुइना व्यवस्था रहे । निर्वाचित दल वा उम्मेदवारसे घोषणापत्रहे अनदेखा कैना परिपाटी मौलैटी बा । दल तथा उम्मेदवारसे मतदातासामु बोलल् बात प्रति जवाफदेही लेना परिपाटी कमजोर हुइटी गैल रहे । इ बेरके निर्वाचनसे हरेक बरस दल वा उम्मेदवारसे आपन करल लिखित प्रतिबद्धता कटरा पूरा करे सेकगैल वा नैसेकगैल कना सार्वजनिक कैके मतदाताहे जानकारी कराइ पर्ना व्यवस्था करल बा । आब हुइना निर्वाचनमे भाग लेहल दल वा उम्मेदवारसे आआपन घोषणापत्र सार्वजनिक करसेके पर्ना बा ।

घोषणापत्र अभिलेखीकरणके लाग निर्वाचन आयोगमे बुझाइ पर्ना रहठ् । इ निर्वाचन विशेष परिस्थितिमे हुइना निर्वाचन हुइल ओरसे सक्कु राजनीतिक दल तथा उम्मेदवार जिम्मेवार हुइना जरुरी बा । मतदाताके फेन आपन कर्तव्य रहठ् । मतदातासे कौनो फेन प्रलोभन वा दबाव प्रभावबिना स्वतन्त्र रूपसे विवेकके प्रयोग कैके योग्य, सक्षम ओ इमानदार प्रतिनिधि छनोट कैना मतदान कैना कहलक राष्ट्रसेवा कैना पहिल खुटिकलो वा अवसर हो । मतदातासे फेन दल वा उम्मेदवारके भ्रममे नैपरके घोषणापत्रमे उल्लेख हुइल नीति कार्यक्रमके मूल्याक्तन कैके आपन अमूल्य मतदान कैके जिम्मेवार नागरिकके कर्तव्य निर्वाह कैना जरुरी रहल बा । **साभार: गोरखापत्र**

डेलै । नगर प्रमुख केवल चौधरी विद्यालयमे बालबालिका पढना वातावरण बने कहिके नि:शुल्क शिक्षा लगायत ढेर लगानी कैलेसे फेन नतिजा सुधार नैहुइलमे अपने चिन्तित रहल बटैलै ।

भजनीमे...

कृपोषण, रक्तअल्पता, अपांगता, अभिभावकमे गरिबी ओ शिक्षामे लगानी कम होके शिक्षाके गुणस्तर फेन कमजोर

जरुरी टेलिफोनके प्रायोजक:

हमार यहाँ बौडलर सुगौनके मासु सुपथ मोलमे मिलठ । सेवा कर्ना मौका अवश्य देहवी ।

नोट : भोजविहा, व्रतबन्धके लाग होम डेलिभरीके सुविधा बा ।

प्रो.रमेश चौधरी

केभी मासु पसल

बैयावेहडी चौक, धनगढी कैलाली शाद उर्माव लगे मो. ९८११६३५६८०

एक्जुलेन्स नम्बर ९८२४६८९६१७, ९८५८४२७०१८, ९८१४६०८०४६, ९८१४६८०००६८, ९८१४६६६०२८५

प्रहरी अञ्चल प्रहरी कार्यालय ०९१-४२९३०१ जिल्ला प्रहरी कार्यालय ०९१-४२९१४०,१०० वडा प्रहरी कार्यालय ०९१-४२९२९९,११०

इप्राका अत्तरीया ०९१-४५०११२२ त्रिनागर प्रहरी चौकी ०९१-४२९१८३ जिल्ला प्रहरी कार्यालय ०९१-४२९१४३ इप्राका मसुरिया ०९१-४०२०१४३ इप्राका चौमाला ०९१-६९२५७०१ इप्राका लम्की ०९१-४४०१९१ इप्राका भजनी ०९१-४८०१९९ इप्राका सुर्खुड ०९१-४२९१६६ इप्राका मालाखेती ०९१-४५०१९२ इप्राका फल्ठुरे ०९१-६९०३३० इप्राका हसुलिया ०९१-४२९१४५ इप्राका पाण्डौन ९७४९०१४९०४ सिमा प्रहरी चौकी बहुलिया ०९१-४२९२०६ इप्राका टीकापुर ०९१-४६०१९९ स.प्र.वल सिमासुरक्षा धनगढी ४२६१२८

बैक

नेपाल राष्ट्र बैंक ०९१-२९३२२ नवजिवन बैंक ०९१-४२३६४३ कृषि विकास बैंक ०९१-४२९०३५ मातिका विकास बैंक ०९१-४२९३३८ टीका फाउण्डेन ०९१-४२३३८६ बैंक अफ एसिया ०९१-४२५४६०

नेपाल बलादेश बैंक ०९१-४२९७८५ सिटिजन बैंक ०९१-४२७४८५ कुमारी बैंक ०९१-४२६०३८ सनराईज बैंक ०९१-४२४८४० नेपाल इन्भेस्टमेन्ट बैंक ०९१-४२३७०६ एनएमबी बैंक लि. ०९१-४२९१६५ सरकारी कार्यालय जिल्ला प्रशासन .०९१-४२९१०१ जिल्ला विकास .०९१-४३२५६० नगरपालीका .०९१-४२९४२९ मालपोत.०९१-४२९४०१, नापी शाखा.०९१-४६०४०२ कृषि विकास .०९१-४२२२५५, भूमि सुधार.०९१-४२९२२४ जिल्ला हुलाक.०९१-४२९५५२, नेपाल बाल संगठन: ४२३६६५

अस्पताल सेती अञ्चल.०९१-४२९२७१ नवजिवन ०९१-४२९२३२/४२९७३३ विजय मेडिकल हल धनगढी ०९१-४२३४३५ पद्मा धनगढी ०९१-४५०३५५ सेवा नर्सिङ होम अत्तरीया ०९१-४५०७९७ एम्बुलेन्स मसुरिया ९७४९०१८०८१ घोडाघोडी अस्पताल सुर्खुड ०९१-६९४७०७ टीकापुर अस्पताल ०९१-४६०१४०

दमकल १०१ नेपाल रेडक्रस सोसाईटी ०९१-४२९३३३ कैलाली उ.वा.संघ ४२९३३७, ४२३९७१ एम्बुलेन्स : ४२९६०० सामुदायिक एम्बुलेन्स सेवा टीकापुर ९८४५४७४७० विगत : ४२९१४५ दिनेश नेटल ०९१-४२९३९२ होटल छिमेकी ०९१-४३३९९८/४३४९३१ जगदम्बा ०९१-४२३५१०, विमो ०९१-४२३७०३ तरुण ०९१-४२७६९३, सनलाईट ०९१-४२९४३६ वर्ल्ड लिंक धनगढी: ४२०५५१ बाग्लुपान ०९१-४२२८२०/४२७९१० नेपाल पत्रकार महासंघ : ४२७९२२ शैक्षिक संस्था कैलाली बहुमुखी क्याम्पस ०९१-४२९२२३ सुदूरपश्चिमाञ्चल क्याम्पस ०९१-४२३९१२ ऐश्वर्य बहुमुखी क्याम्पस ०९१-४२९०७९ राजनैतिक पार्टी नेपाली कांग्रेस कार्यालय : ४५७९१५ नेकपा (एमाले) कार्यालय : ४२९०१० बसपाका काउन्टर धनगढी : ०९१-४२९२५२ एफ.एम दिनेश एफ एम ९३.८ मेगाहर्ट्ज धनगढी: ०९१-४२६०७१

मतदातासँग सुभाब मगटी कैलाली-३ के काँग्रेस उम्मेदवार भीम बडूवाल

पहुरा समाचारदाता

सुखड, २१ माघ । आगामी फागुन २१ गते हुइना प्रतिनिधिसभा सदस्य निर्वाचनके लाग कैलाली निर्वाचन क्षेत्र नम्बर-३ से नेपाली काँग्रेसके ओरसे उम्मेदवारी डेहल भीम बडूवाल मतदातासँग सुभाब सत्कलन करे लागल बटै । उहाँ यकर लाग एक डिजिटल प्लेटफर्म सार्वजनिक कैटी सुभाब सत्कलनके प्रक्रिया सुरु करल हुइत । कैलाली निर्वाचन क्षेत्र नम्बर-३ तथा समग्र क्षेत्रके नागरिकके आवाज नीति निर्माण तहसम पुगैना उद्देश्यसे सुभाब सत्कलन सुरु करल बडूवाल बटैलै । “यहाँके सक्कु बासिन्दाके मत संसदमे सुनजाए कना सुनिश्चित करे परल,”

उहाँ कहलै, “ओकर लाग मै प्रविधिके प्रयोग कैटी सुभाब सत्कलनके अभियान सुरु करल हुइतु ।”

नागरिकहे विकास निर्माणके नीति तहसम प्रत्यक्ष रूपमे जोना लक्ष्यसहित इ अभियान सुरु करल प्रतिनिधिसभा सदस्य उम्मेदवार बडूवाल स्पष्ट परलै । इ क्षेत्रके जनताके आवाज अपने प्रतिनिधिसभामे सशक्त रूपमे उठैना प्रतिबद्धता समेत उहाँ व्यक्त करलै । “भोटसे सरकार बनट, मने समुद्र समाज बनाइक लाग नागरिकके सुभाब ओ सक्रिय सहभागिता अपरिहार्य रहट,” बडूवाल कहलै । दीर्घकालीन विकास, सुशासन तथा भुईँ तहके आवाज नै आपन आगामी नीति निर्माणके आधार रहना



प्रतिनिधिसभा सदस्य उम्मेदवार बडूवाल उल्लेख करलै । कैलाली निर्वाचन क्षेत्र नम्बर-३ के प्रत्येक नागरिकके आवाज अपने बने सेक्ना दावी कैटी बडूवाल देशभरसे समेत सुभाबके अपेक्षा करल बटैले बटै । “ओहमेमारे मै सुभाब सत्कलनके प्रक्रिया आघे बहैले बटु, मै देश तथा विदेशसे समेत सुभाब चाहल बटु,” उहाँ कहलै ।

मत मगुइयनसे बसोबासके माग आरक्ष पीडित

पहुरा समाचारदाता

कञ्चनपुर, २१ माघ । आसन्न प्रतिनिधि सभा सदस्य निर्वाचनमे शुक्लाफाँटा वन्यजन्तु आरक्ष (हाल राष्ट्रिय निकुञ्ज) विस्थापितसे मत नैडर्ना मनसाय बनैले बटै । भुइँ चार सय परिवारके आठ सयसे ढेर निकुञ्ज विस्थापित आंशिक मागसमेत पूरा नैकरल ओरसे उम्मेदवारहे मत नैडर्ना बटाइल हुइत ।

अस्थायी टहुरा बनाके महेन्द्रनगरस्थित जडीबूटीके सार्वजनिक भूमिमे बसोबास कैटी आइल आरक्ष पीडित अस्थायी शिविर बसोबासके लाग कागज बनाडेना आग्रह कैटी आइल बटै । नियमित रूपमे दलके प्रतिनिधि तथा उम्मेदवारसँग भेटघाट कैटी अस्थायी शिविर बसोबासके व्यवस्था मिलौना आग्रह करटी रहल निकुञ्ज पीडित बटैलै ।

। आरक्षपीडित जिल्ला सङ्घर्ष समितिके संयोजक जयबहादुर रोकाया आगामी प्रतिनिधि सभा निर्वाचनपूर्व नै अपनेहुके अस्थायी बसोबासके व्यवस्था मिलैना दलके प्रतिनिधिसँग भेटघाट कैटी छलफल करल बटैलै ।

हाल बसोबास कैटी आइल जडीबूटीके जमिनमे खानेपानी, शौचालयलगायतके आधारभूत आवश्यकतासमेत पूर्ति कैना समस्या हुइलपाछे आगामी निर्वाचनपूर्व नै अस्थायी बसोबासके व्यवस्था मिलाडेहक लाग दलके प्रतिनिधिसँग आग्रह करल उहाँ बटैलै ।

कृष्णपुर नगरपालिका-१ स्थित जयशक्तर् सामुदायिक वन कञ्जकलीमे अस्थायी शिविर बसोबासके लाग प्रशासनसे कागज बनाके मग्ना अनुरोध

करल उहाँ बटैलै । उहाँ कहलै, “विगतके आयोगसे प्रस्तावित करल स्थानमे पुगाइ पर्ना आपन माग हो । पुगाइ नैसेकलमे मत नैडर्ना ओ निर्वाचन फेन बहिष्कार कैना मनसाय बनैले बटी ।”

आरक्षपीडित शेरबहादुर चुनारा निर्वाचन क्षेत्र-२ मे अपने विगतके निर्वाचनमे मत डर्ती आइल बटैलै । विगतके भुटा आशवासन किल डेके सांसदके कारण हाल कौनो व्यवस्था नैमिलाइबर इ जडीबूटीके जमिनमे कष्टकर जीवनयापन करे परल उहाँ गुनासो करलै ।

आगामी निर्वाचनमे भर आपन अस्थायी शिविर बसोबासके व्यवस्था मिल्नुया तथा निर्वाचित हुइलपाछे जमिन उपलब्ध करइया उम्मेदवारहे किल मत डर्ना उहाँ बटैलै ।

कञ्चनपुरमे पाँच हजार किशोरीहे ‘एचपिभी’ खोप

पहुरा समाचारदाता

कञ्चनपुर, २१ माघ । पाठेघरके मुहके क्यान्सर (सर्भाइकल क्यान्सर) रोकथामके लाग कञ्चनपुरमे आगामी माघ २७ गतेसे फागुन १ गतेसम ‘एचपिभी’ खोप अभियान सञ्चालन कैना हुइल बा ।

स्वास्थ्य कार्यालयसे जिल्लाके पाँच हजार ५०० छात्रा तथा किशोरीहे खोप लगैना लक्ष्य राखल बा । स्वास्थ्य कार्यालयके कोल्डचेन अधिकृत जनकबहादुर कुर्बेरेके अनुसार इ बरसके अभियानमे कक्षा ६ मे पढ्ती आइल छात्रा ओ विद्यालय बाहर रहल १० बरस उमेरके किशोरीहे खोप लगैना तयारी करल बा । गैल बरसके अभियानमे खोप लगैना छुटल कक्षा ७ से १० सम अध्ययनरत छात्रा ओ विद्यालय बाहर रहल ११ से १४ बरस उमेरके किशोरीहे खोप लगाजैना स्वास्थ्य कार्यालयरके कोल्डचेन अधिकृत कुर्बेरे बटैलै ।

‘प्रत्येक विद्यालयमे खोप केन्द्र निर्धारण कैके कार्यक्रम सञ्चालन कैना तयारी करले बटी’, अधिकृत कुर्बेरे कहलै, ‘विद्यालयमे खोप लगैना छुटल वा विद्यालय बाहर रहल किशोरीके लाग फागुन १ गते लगगेक स्वास्थ्य संस्थामे खोप लगैना व्यवस्था मिलाइल बा ।’

विश्व स्वास्थ्य संगठनके तथ्यांकअनुसार पाठेघरके मुहके क्यान्सर महिलामे हुइना क्यान्सरमध्ये सबसे उच्च जोखिमयुक्त मानजाइत् । नेपालमे फेन महिलामे हुइना क्यान्सरमध्ये इ पहिल स्थानमे रहल ओ यकर मुख्य कारण ‘ह्युमन प्यापिलोमा भाइरस’ (एचपिभी) रहल अध्ययनसे डेखैले बा ।

स्वास्थ्य अधिकारीके अनुसार यौन सम्पर्क हुइनासे पूर्व किशोरी अवस्थामे इ खोप लगैना क्यान्सर रोकथामके लाग

संधियारको नाममा जारी १५ दिने सूचना

यस उपमहानगरपालिकाको वडा नम्बर १ शिवनगर स्थित कित्ता नं. २७७ क्षेत्रफल ७६० वर्गमिटरमा भवन निर्माण गर्ने घरधनी श्री हिरादेवी विष्टले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबुत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण
पूर्व: नरेन्द्र भण्डारी पश्चिम: विपना सिंह
उत्तर: सडक दक्षिण: सडक



धनगढी उपमहानगरपालिका

नगर कार्यपालिकाको कार्यालय, धनगढी, कैलाली

श्रम तथा रोजगार कार्यालयको जनहितमा जारी सन्देश

- श्रम तथा रोजगार कार्यालयको जनहितमा जारी सन्देश
- रोजगार सम्झौता गरेर मात्रै काममा लागौं र लगाऔं ।
- औपचारिक तथा अनौपचारिक क्षेत्रका सम्पूर्ण श्रमिकको न्यूनतम ज्याला रु. १९,५५०/- अनिवार्य रुपमा कायम गरौं/गराऔं ।
- समान कामको समान ज्याला लैगिक आधारमा पारिश्रमिकमा विभेद गर्नु कानूनी अपराध हो ।
- कार्य स्थलमा श्रमिकलाई सुरक्षाका उपकरणहरू उपलब्ध गराई काममा लगाऔं, लैगिक हिंसाको अन्त्य गरौं ।
- बालश्रम कानूनी रुपमा दण्डनिय अपराध हो । बालश्रम नगरौं/नगराऔं ।
- श्रम अडिट प्रत्येक वर्षको पौष मसान्तभित्र अनिवार्य रुपमा पेश गर्नु/गराउनु उद्योग/प्रतिष्ठानको कर्तव्य हो अन्यथा नियमानुसार कारवाही गरिने छ ।
- असल श्रम सम्बन्धको आधार सामाजिक सुरक्षा र रोजगार औद्योगिक दुर्घटना न्यूनीकरण गरौं व्यवसायजन्य रोग लाग्नबाट बचौं ।
- श्रम ऐन, २०६४ र नियमावली, २०७५ को पूर्णरुपमा कार्यान्वयन गरौं ।
- वैदेशिक रोजगारीमा जाँदा अनिवार्यरुपमा श्रम स्वीकृति गरेर जाऔं ।



श्रम तथा रोजगार कार्यालय

धनगढी, कैलाली

सुख्वा खोकीहे बेवास्ता नकरी, रोगके संकेत हुई सेकी

स्वास्थ्य जीवन शैली

ढेर चो हम्नहने सुख्वा खोकीके समस्या हुइना करठ । यम्ने रुघा, मकीं वा कफ नैहुइठ, केवल खोकी केल्ह लागठ । घँचामे लगातार खसखस हुइना, बठैना वा खोकीके कारण रातके बारम्बार निन्द टुट्ठ, यी सक्कु सुख्वा खोकीके लक्षण हुइठ ।

मनैनहुके अक्सर यिहीहे सामान्य ठानके बेवास्ता करठै । मने, यदि सुख्वा खोकी नम्मा समयसम रहल कलेसे यी कौनो भित्री स्वास्थ्य समस्याके सत्तेत हुई सेकठ । यद्यपि, समयमे उपचार ओ सही हेरचाहे यिहीहे ठिक पारे सेक्जाइठ । आई, आजके यी जानकारीमे हप्ने यी बारे विस्तारमे बाट कैबी । साथे जन्वी, सुख्वा खोकी काह लागठ ? यकर लक्षण का-का हुइठ ? कौन अवस्थामे डाक्टरहे डेखैना जरुरी रहठ ?

सुख्वा खोकी का हो ?

यी यैसिन खोकी हो, जेम्ने कफ (खकार) नैबनठ । यम्ने घाँटी वा श्वासप्रश्वास नलीमे जलन, चिलेना वा घोचल जैसिन महसुस हुइठ । यिहीहे बारम्बार खोकी लगना इच्छा हुइठ ।

यी सामान्यतया एलर्जी, भाइरल सङ्क्रमणपाछे दम, एसिड रिफ्लक्स, प्रदूषण वा हावामे हुइना सुख्वापनके कारण हुइठ । सुख्वा खोकी अक्सर रात वा ओछ्यानमे पल्टेबेर बहना करठ । साथे हाँसेबेर, बोलेबेर ओ जुरार हावाके सम्पर्कमे आईबेरफे यी च्यापन करठ । जब घाँटी वा श्वास नलीमे जलन, सुख्वापन वा सूवेना हुइठ तब सुख्वा खोकी लागठ । यी शरीरभितर हुइना एक मेरिक रिफ्लेक्स प्रक्रिया हो, जिहीसे शरीर घँचाके इरिटेसन (असजिलोपन) सफा कैना प्रयास करठ । यकर पाछे ढेर कारण हुई सेकठ । यिहीहे तरेक लक्षणसे बुझी-

सुख्वा खोकीके लक्षण

घँचामे लगातार खसखस हुइना

कफ नैअइना खोकी

घँचा थुनल जस्टे हुइना

छातीमे जलन

सास फेर्न गाहो हुइना

घँचासे ध्यार-ध्यार आवाज अइना

आवाजमे भारीपन

रात खोकी बहना

बोलेबेर/हाँसेबेर खोकी लगना

रात सुख्वा खोकी काहे बहठ ?

यकर सबसे भारी कारण शरीरके अवस्था हो । जब हप्ने सुठ्ठी वा पल्टठी,

घँचा ओ श्वास नलीमे जम्मा हुइल इरिटेसन सफा हुई नैपाइठ, जिहीसे खोकीके रिफ्लेक्स ढेर सक्रिय बनाइठ । यीबाहेक रात ‘एसिड रिफ्लेक्स’ के समस्याफे बहठ । पेटके एसिड उप्पर आके घँचाहे पोल्न वा असजिल बनैना करठ, जिहीसे खोकी तीव्र हुईठ । रातिके हावा प्रायः जुरार ओ सुख्वा हुइठ, जिहसले घाँटीहे थप सुख्वा बनाइठ । साथे सुत्न बेला थुक कम बनठ जिहिसे घेचा आउर सुख्वा हुइठ । यिहे कारणसे रात सुख्वा खोकीसे सताइठ ।

सुख्वा खोकी पत्ता लगाउन के डाक्टरसे कौनो मेडिकल टेस्टफे करठै ?

हो, यदि सुख्वा खोकी नम्मा समयसम रहैगिल वा बारम्बार हुइल कलेसे डाक्टरसे यकर कारण बुझ्न कुछ मेडिकल जाँच करैठै ।

रगत जाँच : सङ्क्रमण वा एलर्जी पत्ता लगैना ।

छातीके एक्स-रे : फोक्सके सङ्क्रमण वा अन्य कौनो समस्या पत्ता लगैना ।

स्पाइरोमेट्री टेस्ट : दम वा श्वासप्रश्वाससँग सम्बन्धित अन्य रोग पत्ता लगैना ।

एलर्जी टेस्ट : एलर्जीके कारण पत्ता लगैना ।

इन्डोस्कोपी वा पीएच टेस्ट : एसिड रिफ्लेक्सके अवस्था जाँच कैना ।

यी परीक्षणसे डाक्टर सही कारण पत्ता लगैठै ओ ओक्रे आधारमे उपचार करठै ।

सुख्वा खोकीके उपचार का हो ?

सुख्वा खोकीके उपचार यकर कारणमे निर्भर करठ । टबमारे पहिले यी जान्न जरुरी बा कि खोकी एलर्जीले हो, सङ्क्रमणले, एसिड रिफ्लेक्सले वा अन्य कौनो कारणले ।

यदि कारण एलर्जी वा प्रदूषण हो कलेसे एन्टी-एलर्जिक औषधि डेजाइठ । साथे खोकी बहैना बाटसे बच्न सुभाब डेजाइठ । यदि भाइरल सङ्क्रमणपाछे सुख्वा खोकी रहल कलेसे घँचाके जलन कम कैना औषधि डेजाइठ ।

यदि कारण एसिड रिफ्लेक्स हो कलेसे एसिड कम कैना औषधि डेजाइठ । साथै खानपानमे परिवर्तन कैना जरुरी रहठ । दम वा श्वासप्रश्वासके रोगमे इन्हेलर वा विशेष औषधि डेजाइठ ।

कुछ मामिलामे सुख्वा खोकी अपनही निक हुई सेकठ । विशेष करके जब यकर कारण भाइरल सङ्क्रमण, मौसम परिवर्तन वा सामान्य एलर्जी हो । यैसिन मामिलामे घँचाके जलन कम हुइटीकी खोकी बिस्तारै निक हुइठ ।

घरेलु उपायफे प्रभावकारी हुई सेकठ ?
हो, सामान्य ओ सुख्वाती सुख्वा खोकीमे घरेलु उपायसे ढेर हदसम्म राहत डेहे सेकठ । यिहीसे घँचाके जलन कम करठ ओ सुख्वापन हटाइठ । यिहीहे तरेक उपाय बुझी:

सुख्वा खोकीके घरेलु उपचार

मह ओ मरिच: महमे मरिचके धुर मिलाई ओ दिनमे २-३ चो सेवन करी ।

अदुवा: अदुवाके टुक्रा चबाई वा १-२ चो अदुवाके चिया पिई ।

नोन पानीले कुल्ला : मनतातुल पानीमे नोन मिलाई ओ दिनमे १-२ चो कुल्ला करी ।

मनतातुल पानी : जुर पानीके सट्टा मनतातुल पानी केल्ह पिई ।

बाफ : दिनमे १-२ चो तातुल पानीके बाफ लि ।

बेसार-दूध : रात सुत्नआघे मनतातुल दूधमे बेसार दारके पिई ।

कैसिन अवस्थामे डाक्टरहे डेखैना जरुरी बा ?

कुछ अवस्थामे सुख्वा खोकीहे बिलकुले बेवास्ता करे नैपरठ । यदि तरे डेहल लक्षणमध्ये कौनोफे डेखेलेसे तुरुन्त डाक्टरसँग सम्पर्क करी:

जब खोकी २ हप्तासे ढेर समयसम रहि ।

जब सास फेर्न गाहो महसुस हुई ।

जब छातीमे दुखाइ हुई ।

जब लगातार उच्च जुरी आई ।

जब खोखेबर रगत आई ।

जब लगातार ध्यार-ध्यार आवाज आई ।

जब बिना कारण अचानक तौल घटे लागी । जब ढेर थकान ओ कमजोरी महसुस हुई । यी लक्षणसे खोकी कौनो दुसर गम्भीर स्वास्थ्य समस्यासँग जोरल हुई सेक्ना सत्तेत करठ । टबमारे समयमे जाँच ओ उपचार ढेर जरुरी बा ।

नम्मा समयसम खोकी लगटी रहल कलेसे घँचाके नसा आउर ढेर संवेदनशील रहठ, जिहीसे खोकी आउर बढाई सेकठ । यिहीसे निन्द पूरा नैहुइठ, शरीरमे थकान ओ चिडचिडापन बहठ । नम्मा समयसम खोखी रहेबेर छाती ओ पेटके मांसपेशीमे दुखाइफे हुई सेकठ ।

यदि खोकी कौनो भित्री रोग (जस्टे दम, क्षयरोग/टीबी, एलर्जी, एसिड रिफ्लेक्स वा फोक्सोके समस्या) के कारणले हो ओ ओकर उपचार नैकरलेसे भर उ रोगले गम्भीर रूप लेहे सेकठ । सुख्वा खोकी एक ठो लक्षण केल्ह हो । यिहीहे बेवास्ता करेबेर असली रोग नुक्ती रहठ, जे पाछे जाके भारी समस्या बने सेकठ ।

पेट, छाती, मुटु तथा थाईराईड विभाग

उपचार हुने रोगहरू

- उच्च रक्तचाप, दम तथा मुटु रोगको उपचार
- सुगर (मधुमेह), थाईराईड रोगको उपचार तथा परामर्श
- मिर्गी रोग, प्यारालाइसिस (पक्षघात) तथा अन्य नशा सम्बन्धी रोगको उपचार
- छाती दुस्के, पेट दुस्के समस्याको उपचार
- ज्वरो आउने, टाउको दुस्के तथा पुरानो जटिल रोगको उपचार तथा परामर्श
- सिकल सेलरोग तथा अन्य रगत कम (Anemia) को उपचार तथा परामर्श

१४ सै घण्टा आकस्मिक उपचार

ओ.पि.डी. सेवा प्रत्येक दिन (बिहान ८ देखि साँझ ५ बजेसम्म)



डा. सुमन चौधरी

MBBS, MD (KU)

NMC No. 15308

कन्सल्टेन्ट फिजिसियन



धनगढी

संजिवनी अस्पताल प्रा. लि.

९ (राष्ट्र बैंक चौक, धनगढी-५) ☎ सम्पर्क नं. ०९१-५९०३२८, ९७६४२१२७२७, ९७६९९३२१०५

कटान रोक्ना वृहत परियोजना आधे बहैबु : नेता आले

पहुरा समाचारदाता

धनगढी, २१ माघ । नेपाली कम्युनिष्ट पार्टी नेता तथा कैलाली क्षेत्र नं. ५ के उम्मेदवार प्रेमबहादुर आले मोहना ओ खुटिया लडियाके कटान रोक्ना वृहत परियोजना आधे बहैना प्रतिवद्धता व्यक्त करले बटै ।

आसन्न फागुन २१ गतेके प्रतिनिधिसभा सदस्य निर्वाचनके लाग चुनावी अभियानहे तीब्र बनाइल आले मंगरके धनगढी उपमहानगरपालिका-२ मे जनभेटघाटमे बोल्टी ओइसीन बटाइल हुइत ।

उहाँ कहलै, 'क्षेत्र नं. ५ भर नै मोहना ओ खुटिया लडियाके कटानके समस्या बा । इ डुनु लडियासे तीब्ररूपमे कटान हुइटी रहल बा । इ लडियाके कटान ओ दुबान रोक्ना कम बजेटसे



नैहुइ । इहीहे परियोजनाके रुपमे आधे बहाइ परी ।'

पूर्वमन्त्रीसमेत रहल आले कहलै, 'लडिया कटान रोक्ना वृहतरूपमे लैजाइ पर्ना आजके आवश्यकता हो । यहाँके जनताके फेन माग रहल बा । इहीहे वृहत परियोजना लागू हुइना मेरके आधे

बहैबु ।'

उहाँ बिगतमे डोटीसे तीनचो निर्वाचन जितेबर जनतासँगके सम्बन्धहे नैटुटाइल, सम्बन्ध मज्जा बनाइल ओ आगामी दिनमे फेन जनतासँग रहना प्रतिवद्धता जनैलै ।

उहाँ बिगतमे आपन करल विकास

निर्माणके काम आभिन हेरे सेकजैना बटैटी एकदम जनताके हितमे काम कैना बटैलै ।

उहाँ जन भेटघाटमे जनताके अपार माया पैटी रहल बटैटी आसन्न निर्वाचनमे कैलाली क्षेत्र नं. ५ के जनता आपनहे साथ डेना विश्वास व्यक्त करलै । आले कैलाली क्षेत्र नं. ५ मे आपन चुनावी गतिविधिहे तीब्र बनैले बटै । अब्बे उहाँ घरदैलोके कार्यक्रममे बटै ।

डोटीसे २०७० सालके संविधान सभा, ०७४ सालके प्रतिनिधि सभा सदस्य ओ २०७९ सालके प्रतिनिधिसभा सदस्य निर्वाचनमे जितल आले आसन्न फागुन २१ गते हुइना प्रतिनिधिसभा सदस्य निर्वाचनके लाग कैलाली-५ से उम्मेदवार बनल बटै ।

क्रिकेट मैदान शिलान्यास



पहुरा समाचारदाता

धनगढी, २१ माघ । कैलालीके धनगढीमे निजीक्षेत्रसे क्रिकेट मैदान निर्माणके थालनी करल बा । धनगढी उपमहानगरपालिका-३ फाग्ला मैदान लग्गे ५ बिगाह क्षेत्रफलमे क्रिकेट मैदान निर्माणके लाग शिलान्यास करल हो । फाग्ला खेलग्रामके अध्यक्षसमेत रहल सुवाश शाही ओ मोहन साउँदके लगानीमे क्रिकेट मैदानसहित पार्क निर्माणके शिलान्यास करल हो ।

शाहीके अनुसार मैदानमे ६ पिच बनाजैना बा । 'क्रिकेट मैदान अन्तर्राष्ट्रिय मापदण्डअनुसार नै ६५ से ७५ मिटरसमके बाउन्डी रहना बा,' शाही कहलै । पखाल निर्माणसे मैदान मिलैना समके काम सम्पन्न होसेकलमे सोम्मारसे पिच निर्माणके काम सुरु करल शाही बटैलै । रुपन्देहीमे एक्स्ट्राटेक ओभल क्रिकेट मैदान तयार करल क्युरेटर माधव पाठक पिच निर्माण करटी रहल बटै ।

'फाग्ला अन्तर्राष्ट्रिय क्रिकेट रंगशाला तथा खेल ग्रामके डीपीआर ओ इआइए स्वीकृत होसेकल बा,' शाही कहलै, 'जिहीसे रंगशाला निर्माण ओ पूर्वाधार विकास

कार्यान्वयनके डगरा स्पष्ट बनाइल बा । ओस्टके अभियानहे बलगर आधार डेहक लाग धनगढी ओभलके शिलान्यास करले बटै ।' शाहीके अनुसार धनगढी ओभलमे चरणबद्ध रुपमे पूर्वाधार विकास करजैना बा । 'इ केवल मैदान निर्माण किल नैहो, इ ग्रासरुट सशक्तिकरण तथा खेल पर्यटन प्रवर्द्धनके लाग फेन हो,' शाही कहलै, 'आर्थिक गतिविधि विस्तार ओ सुदूरपश्चिमके खेल पहिचानहे राष्ट्रिय गौरवमे रूपान्तरण कैना साक्षा अभियान फेन हो ।'

'पहिल चरणमे पिच निर्माण, इरिगेसन ओ ड्रेनेज प्रणाली जडानके काम हुइटी रहल बा । डोसर चरणमे पवेलियन, चेन्जिङ रुम तथा नेट अभ्यास कैना ठाउँ तयार करजैना बा,' शाही कहलै, 'टेसर चरणमे प्यारफिट निर्माण ओ लड लाइट जडानके काम सँगै मैदानके बाहिरपट्टीके भागमे फुड कर्नरसे अन्य व्यवसायिक स्टल फेन तयार करजैना बा ।' क्रिकेटके पूर्वखेलाडीसमेत रहल शाही क्रिकेट विकासके अभियान्ताके रूपमे परिचित बटै । उहाँ धनगढीमे टमान प्रकारके क्रिकेट प्रतियोगिता सञ्चालन कैटी आइल बटै ।

धनगढीमे प्रादेशिक ललितकला प्रदर्शनी हुइना



पहुरा समाचारदाता

धनगढी, २१ माघ । धनगढीमे आज विफेके रोजसे प्रादेशिक ललितकला प्रदर्शनी २०८२ हुइना हुइल बा ।

नेपाल ललितकला प्रज्ञा प्रतिष्ठानके आयोजना ओ थारु कल्याणकारिणी सभा

कञ्चनपुरके आयोजनामे इहे माघ २२ गतेसे २६ गतेसम्म उ प्रदर्शनी हुइना जनाइल बा । धनगढी स्थित कैलाली

बहुमुखी क्याम्पसके सभाहलमे हुइना प्रदर्शनीबारे बुधके रोज पत्रकार सम्मेलन मार्फत जानकारी कराइल हो ।

नेपाल ललितकला प्रज्ञा प्रतिष्ठानके वास्तुकला तथा लोककला विभाग प्रमुख एवं सुदूरपश्चिम प्रदेश समन्वय समिति संयोजक प्रदीप अधिकारी प्रदर्शनीबारे जानकारी कराइल रहित ।

विभाग प्रमुख अधिकारी प्रदर्शनीमे नेपाली चित्रकला, मूर्तिकला, लोककला, हस्तकला, वास्तुकला तथा अन्य सिर्जनात्मक बहुआयामिक लगायत विविध विधा-उपविधागत कला प्रदर्शनी हुइना जानकारी डेलै ।

थारु कल्याणकारिणी सभा कञ्चनपुरके सभापति सानु चौधरी प्रदर्शनीसे लोककला पुस्तान्तरणमे

महत्वपूर्ण भूमिका खेल्ना बटैली । प्रदर्शनीमे कार्याशाला फेन हुइना उहाँ बटैली । कार्याशालासे कला सिखुइया विद्यार्थीनमे निखार अडानाके साथे प्रदर्शनीसे कला सहित कलाके विविध विधामे लगना प्रेरित कैना आयोजक जनैले बावै ।

ग्राहक वर्गहरूमा खुशीको खबर !

हाम्रो यहाँ सबै कम्पनीका रि-कण्डिसन मोटरसाइकलहरू पाइनुका साथै मर्मत पनि गरिन्छ र सबै कम्पनीका हेलमेट र पार्टसहरू थोक तथा खुद्रा मूल्यमा पाईन्छ ।
कुनै पनि मोटरसाइकल नगद खरिद गरेमा आकर्षक उपहारको व्यवस्था रहेको जानकारी गराउँदछौं ।



संजय अटो सेल्स एण्ड रि-कण्डिसन

धनगढी-४, उत्तरबेहडी (चटकपुर शहिद गेट भन्दा दुईसय मिटर पूर्व)

फोन नं. ०९१४१०१०५, सुजित मो. ९८५८४२३९१२, सुनिल मो. ९८६७७९३५२१, महेश मो. ९८१३११०२९

चिसो मौसममा हुने स्वास्थ्य समस्याबाट बचौं ।

- ❖ जाडो मौसममा शितलहर, हिमपात, ह्रस्व तथा कुहिरो लाग्न सक्ने हुँदा अत्यधिक चिसो हुन सक्छ ।
- ❖ चिसोको कारण प्रदूषण बढ्ने गर्छ ।
- ❖ चिसो तथा प्रदूषणको कारण रुघा, खोकी, ज्वरो, सास फेर्न गाह्रो हुने तथा दम बढ्ने समस्या हुन सक्छ ।
- ❖ चिसो तथा प्रदूषणले मुटु, फोक्सो, मस्तिष्कलगायतका अङ्गमा गम्भीर असर पुग्न सक्छ ।
- ❖ बालबालिका, वृद्धवृद्धा, गर्भवती महिला तथा दमका विरामीलाई गम्भीर असर पार्न सक्ने हुँदा धुलो, धुँवा तथा चिसोबाट बच्न र बचाऔं ।
- ❖ सकेसम्म घरभित्रै बसौं, निस्कनैपर्ने भए न्यानो कपडा लगाएरमात्र निस्कौं ।

कुनै समस्या परे चिकित्सकसंग परामर्श गरौं ।

कैलारी गाउँपालिका गाउँ कार्यपालिकाको कार्यालय हसुलिया, कैलाली



चिसो मौसममा हुने स्वास्थ्य समस्याबाट बचौं ।

जाडो तथा चिसोको समयमा:

- मौसमी रुघाखोकी, भाईरल ज्वरो, छातीको समस्या, दम, निमोनिया, भ्राडापखला, छाला सुख्खा हुने, जोर्नी दुखाई, पिनास, टन्सिल, हृदयघात लगायतका स्वास्थ्य समस्या देखा पर्न सक्छन् ।
- बालबालिका, वृद्धवृद्धा तथा दीर्घरोगीहरू बढी प्रभावित हुन सक्छन् ।
- चिसो मौसममा बाक्लो र न्यानो कपडा लगाऔं ।
- तातो, पोषिलो र भोलिलो खानेकुरा खाऔं र खुवाऔं ।
- शारीरिक व्यायाम गरौं, धूम्रपान/मद्यपान नगरौं ।
- घर तथा कोठा न्यानो बनाऔं ।
- नियमित घाम ताप्ने गरौं ।

स्वास्थ्यमा समस्या देखिए चिकित्सकको परामर्श लिऔं ।

गौरीगंगा नगरपालिका नगर कार्यपालिकाको कार्यालय चौमाला, कैलाली



सुवर्ण अवसर ! सुवर्ण अवसर !! सुवर्ण अवसर !!!



कैलाली अस्पताल प्रा.लि

Provide Health Related Services



सेवाहरू:

- ❑ मधुमेह(सुगर)
- ❑ थाइराइड रोग
- ❑ पेट,मुटु तथा छातिरोग
- ❑ कलेजी रोग
- ❑ TB, हेपाटाइटिस रोग
- ❑ ब्लडप्रेसर तथा हृदयरोग
- ❑ मोटोपना

डा. अकाश राउत

MBBS, MD (TU), Internal Medicine

Senior Consultant Physician

NMC NO. 20304

➤ आउने समय : प्रत्येक दिन (२४ घण्टा)

डाक्टर आउने समय : प्रत्येक दिन, आकस्मिक सेवा (चिकित्सक) २४ घण्टा

हाम्रा सेवाहरू : १) २४ घण्टा ईमर्जेन्सी सेवा, फार्मसी सेवा, अत्याधुनिक प्याथोलोजी, रंगीन इण्डोस्कोपी, डिजिटल एक्सरे, रंगीन भिडियो एक्सरे, अत्याधुनिक अप्रेसन थियटरबाट सेवा, वातानुकूलित एम्बुलेन्स, वातानुकूलित क्याबिन ।
२) स्त्री रोग तथा प्रसूती सम्बन्धी सेवा (बाँझोपन, सेतोपानी बग्ने, तल्लो पेट दुख्ने, महिनावारी गडबडी, पाठेघर खस्ने, पाठेघरको अप्रेसन, गर्भवती तथा सुत्केरी सेवा) । ३) न्याप्रोस्कोपी तथा जनरल सर्जरी (हाइड्रोसिल, हर्निया, पायल्स, फिस्टुला, स्तनमा गाँठागुठी आउने, शरिरका विभिन्न भागमा गाँठागुठी, घाउ खटिरा, पत्थरी, किडनीको पत्थरी, प्रोस्टेटको अपरेसन तथा पित्तथैलीको पत्थरी अपरेसन) । ४) हाडाजोर्नी तथा नशा सम्बन्धी सेवा (हाटखुट्टा बाङ्गे, फ्याक्चर, हाडाजोर्नीको दुखाई, कम्मर दुख्ने तथा अत्याधुनिक मेसिनबाट हड्डीको अपरेसन)छाती, मुटु, कलेजी तथा पेट सम्बन्धी सेवा । ५) यौनरोग, कपाल तथा छाला रोग सम्बन्धी सेवा । ६) मानसिक तथा मनोरोग सेवा । ७) नाक, कान, घाँटी रोग सम्बन्धी सेवा । ८) मुर्छा पर्ने, टाउको दुख्ने जस्ता समस्याहरू, प्यारालाइसिस हातखुट्टा नचल्ने सम्बन्धी सेवा । ९) न्यूरो (नशा रोग) लागुपदार्थ दुर्व्यसनी, कुलत सम्बन्धी, हाटखुट्टा भ्रमभ्रमाउने, छारे रोग । १०) आगोले पोलेको हातखुट्टा बाङ्गिएको र खुँडेको अपरेसन आदि सेवा ।

कैलाली अस्पताल प्रा.लि



जिल्ला प्रशासन कार्यालय अगाडि, पशुपति टोल, धनगढी, कैलाली

फोन नं. ०९१-५२४५५५, ५२४६५४, ५२९२४९